

27. juni 2017

Inatsisartut suleriaasiat § 37 naapertorlugu matumuuna Naalackersuisunut apeqqutit imaattut saqqummiuppakka:

1. Peqqinnissaqarfik pillugu nakkutilliineq qanoq ingerlanneqartarpa?
2. Peqqinnissaqarfiup iluani sulisut ileqqorissaarnissamik pissuserissaarnissamillu qanoq sulinissamut piumaffigineqartarpa?
3. Ullumikkut peqqinnissaqarfimmut tunngatillugu naammagittaalliuutigineqartartut qanoq sulineq ingerlava? Sulisut angummappat?
4. Naalackersuisut peqqinnissaqarfiup iluani sullissinermi qanoq pitsanngorsaarnissamik takorluugaqarpa?
5. Peqqinnissaqarfiup naammagineqannginnera peqquttaalluni qassit nunarput qimallugu nuuttariaqarsimasut misissorneqarsimappat?
6. Nunarput qimallugu nuuttartut ikinnerulersinniarlugit qanoq aqqissuussisoqarqinnissaanik Naalackersuisut tungaanit eqqarsaatersuuteqartoqarpa?

(Inatsisartuni ilaasortaq Laura Táunâjik, Siumut )

#### **Tunngavilersuut:**

Ukiuni makkunani peqqinnissaqarfiup iluani tamakkiisumik ikiuisinnaannginneq pequtaatinneqarluni qallunaat nunaannut innuttaasut ilai nuuttariaqalersimasartut arlaqalersimapput, tamanna tusartuartillugu assorsuaq ajuusaarnaannarani ajorsarnertut taaneqartariaqarpoq. Naak nalunngik-kaluarlutigu Danmarkimit bloktilskudit tunniunneqaraangamik annersaat Peqqinnissaqarfimmut **ingerlaqqittartut**, taamaattoq Peqqinnissaqarfiup iluani nakorsat allallu peqqinnissaqarfiup iluani sulisut naammagineqannginnerat innuttaasunit annertujuaannarpoq.

Uggornartuaannarpoq inuit maani nunatsinni sulilluartuugaluit peqqinnissaqarfimmi sullissineq naammaginangitsoq peqqutigalugu nunarput qimallugu innuttaasut nuuttariaqalersimagaangata. Tamassuma ajornartorsiutip uteqqiasup aqqiivigineqarnissaannik ersersitsivoq.



Ilanngullugu nunatta iluani Nuup avataaniit nakorsiat sullinneqarnertik qanoq naammaginangit-sigisoq annguttarpaat. Peqqinnissaqarfiup iluani sulisut akornanni inuppalaassuseqannginneq oqaatiginiarneqartarpoq. Qinikkatut pisussaavugut innuttaasut oqariartuutaat qisuariarfigisassallu-git.

Nalunngilarput nakorsassaaleqineq nunatsinni qanoq ilungersunartigisoq. Taamaakkaluartoq isu-maqarpunga sullissineq nakorsianut allanullu pitsaanerusariaqartoq. Nunatta iluani inuit sulilluartut atorfissaqartitagullu ikiliartussanngippata peqqinnissaqarfik aamma tassuunatigut pitsaanerusumik “silaannaqarnerusariaqarpoq”.

Isumaqarpunga ilanngullugu napparsimavimmi sullissisut ilanngullugit atukkamikkut misissuiffigi-neqartariaqartut, tassuuna takuniassagatsigu sulinerminni atukkatigut peqqutilimmik sullitaminnut siunertarinngisaminnik pissusilersortoortasimasinnaanersut

Apeqquteqaatimma ullut suliffiusut qulit iluanni akineqareersimanissaat kissaatigaara.